

La BCG porscha a giuvenils 60 jobs da stad en il gaud da muntogna

Cuira, ils 14 d'avrigl 2021 – La Banca Chantunala Grischuna (BCG) ed il Project en favur dal gaud da muntogna porschan il fanadur e l'avust 60 jobs da stad per giuvenils grischuns da 15 fin 19 onns. Plaz da lavur: gaud da muntogna. Il project ha lieu per la novavla giada e sveglia grond interess. Giuvenils motivads pon s'annunziar fin ils 2 da matg 2021. Sche las lavurs pon vegnir fatgas pervia dal coronavirus, vegn decis curt avant las emnas da project.

Quest onn han ils quatter engaschaments d'ina emna lieu a Cuira, Glion, Küblis e Bravuogn. Sut la direcziun da specialists da selvicultura prendan las giuvnas ed ils giuvens per mauns differentas incumbensas. Ils giuvenils construeschan per exempel sendas d'inspeziun e saivs da protecziun cunter la selvaschina, tgeran il gaud giuven ed exequeschan bleras autras lavurs nizzaivlas. Uschia fan las partecipantas ed ils partecipants experientschas directas cun il gaud da muntogna e contribueschan al mantegniment da sia funcziun da protecziun. Per lur engaschi vegnan ils giuvenils remunerads cun 500 francs.

Las emnas da project cuminaivlas da la BCG e dal Project en favur dal gaud da muntogna, ina fundaziun d'util public cun sedia a Trin, vegnan realisadas il 2021 per la novavla giada. Cun questa collavuraziun fa la BCG ina contribuziun preziosa en favur dal gaud da protecziun indigen e porscha a medem temp ina lavur pajada che fa senn.

Giuvenils motivads da 15 fin 19 onns che vulan s'engaschar per la natira pon s'annunziar fin ils 2 da matg 2021 sin gkb.ch/sommerjobs.

Contact per ils collavuradors da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Daniel Daester, daniel.daester@gkb.ch, Telefon +41 81 256 88 01

La Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [LinkedIn](#) | [Xing](#) | [YouTube](#) | [Flickr](#)

La Banca Chantunala Grischuna.

La Banca Chantunala Grischuna porscha tut quai ch'è dovra per ina banca universala moderna – per personas privatas, l'economia ed il maun public. La banca occupa 1015 collavuraturas e collavuradors (stadi dals 31-12-2020). En il chantun Grischun cun sias numerusas vals e pliras linguas, è l'interpresa represchentada cun 48 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive AG a Turitg ed a la Albin Kistler AG medemamain a Turitg. En il resultat annual preschenta ella cun ina summa da bilantscha da CHF 31.4 milliardas in gudogn dal concern da CHF 180.9 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestral 2021: 29 da fanadur 2021
